


bawlich. Denn wenn solches also geschicht / so werden die Gewissen allerseits vor Wunden vnd Kranckheiten verwahret / oder da sie ja vulnerirt vnd verletzt worden / doch glücklich wider curirt vnd geheilet : Vnd haben wir in allen Ständen die benzelegte Verheissung / daß wir aller der Gnadenbelohnungen / so dem Glauben vnd gutem Gewissen verheissen sind / zeitlich vnd ewig theilhaftig seyn vnd bleiben sollen.

Der Allerhöchste gebe seinen Geist vnd Gnade / daß wir in solcher Ordnung wandeln / vnd dero Frucht nun vnd ewig geniessen / vmb seines lieben Sohns Jesu Christi willen / Amen.



Die ein vnd dreissigste Predigt.

Von denen Mitteln / wodurch ein verwundet Gewissen zuheilen : Vnd insonderheit von den vnrechten vnd weltlichen Mitteln.

Bliebte in Christo : Zu dem Jüdischen Volk (nach dem dasselbe in die Babylonische Gefängnuß geführt worden / darinnen es viel Trübsal vnd Verfolgung / Jammer / Schmach vnd Verachtung leiden müssen) spricht Gott der Herr bey dem Propheten Jeremia im 30. Capitul : Dein Schade ist verzweiffelt böse / vnd deine Wunden sind vnheilbar / deine Sache handelt niemand / daß er sie verbinde / es kan dich niemand heilen.

An welchem Ort er zwar von der erstgedachten Babylonischen Gefängnuß / samt allem dem / was dem Jüdischen Volk vor vnd in derselben begegnet / dem Buchstaben nach / redet / vnd nennet dasselbe mit grosser exaggeration einen verzweiffelt bösen Schaden / einen solchen Schaden / da man die besten ärzte zusammen fordert / alle Mittel vnd Arzneyen / so man vor dienlich vnd nutz erachten kan / herbey bringt / vnd gebraucht / vnd doch keine Hülffe oder Linderung spüret / also / daß man endlich alle Hoffnung der Cur vnd Heilung fallen lässet / vnd sagt / res est

Exordium
ex Ier. 30.
ubi plaga
populi Iu-
daici vo-
catur in-
sanabilis.

Loquitur
autē Pro-
pheta κατὰ
τὴν ἐπιτομήν
de ca-
ptivitate
Babyloni-
ca.

Res est

despe.